

Ibaluwa ya Pauli kwe Iwanu wa Kolosai

Ichilongole

Ibaluwa ya Pauli kwa Wakiristu wa Kolosai tsayandikighwa na Mtumighwa Pauli (1:1). Tsakayandika ibaluwa ino hang'ali mwigheletsa aka Roma mne miyaka ya sitini kulawa Yesu helekighwe. Ibaluwa ino kwa Wakolosai, na ibaluwa kwa Waefeso na ibaluwa kwa Filimoni tsokemighwa tsibaluwa tsa mwigheletsa kwaapfila Pauli tsakatsandika hang'ali mwigheletsa. Tsakawandikila ibaluwa ino wakiristu wa Wakolosai mne ghumji ghwa Kolosai. Pauli ng'anzile bae likanisa aka Kolosai, ka pfalongile mne (2:1), lekeni tsakakala kolimanya likanisa lino. Lamda Epafula iyo yandusile kanisa lino kwaapfila tsaaang'aili yolawila Kolosai.

Pauli yang'ali yakwalangula na malangulitsa gha ughutsu ighawile mne kanisa lya Kolosai. Tsakatumila chipande chikulu kwandika mbuli ino. Wengi tsawakala wa kingili lya Wakiristu wa Chiyahudi iwang'ali woghetsta kunanaitsa Wakiristu wangi wawinze Ghamalaghitsa gha Chiyahudi kulawa Laghano lya Ghumwande, ghendoghendo ukwingila ngoma. Pauli kandika mwatsi ghendo ka ili watoghohlighe ne Imulungu, Wakiristu ng'awobama chinu chingi bae ila Kiristu yaliyeka (1:15-20) na ghamalangulitsa igholawa kwe iwanu ghahela sang'ano (2:8).

Ighali mno

Isula ya 1:1-2 Pauli kakwandusa ibaluwa yake kwa kuwalamsa Wakolosai Isula ya 1:3-3:4 Kakwandika ukulu wa Kiristu, ghendoghendo mna ukwidika ghamalangulitsa ghe ughutsu aka Kolosai

Isula ya 3:5-4:6 Ka pfaili mna tsibaluwa tsake tsingi, Pauli kakwandika malaghitsa Wakiristu pfawabamighwa kukala.

Isula ya 4:7-18 Pauli komalitsila kwa kuwalamsa keli na kulaghitsa ibaluwa isomighwe hambele he iwanu mna ghamakanisa ghangi.

1 ¹ Nene Pauli, imtumighwa wa Yesu Kiristu kwa unoghelo we Imulungu, hamwe na ndughu yetu Timoteo.

² Twomwandikilani mwemwe wandughu wenzeluka na wenyepfale yamwilungile na Kiristu yamkala Kolosai, ndughu tsetu imumtoghore Kiristu, Imulungu Aba wetu yamtendeleni uluso na yamwikeni tseghamba.

Pauli Kowalombela Wakolosai

³ Ghamatsuwa ghose hatumlombelani twolonga mighede kwe Imulungu, Aba we Imtwatsa wetu Yesu Kiristu, ⁴ mana tsatuhulika pfamumtoghola Kiristu Yesu na pfamuwanoghela iwanu we Imulungu. ⁵ Unoghelo na inoghola yenu pfohuwila lololo lila lyamwikilighwe kulanga, achila chamuhulike ghumwande kwa kupetelighwa Imbuli Inoghile ya kweli, ⁶ iiwapfikile mwemwe, ka pfayenele mne iisi yose no ukughala ghanoghile, no ukukula ka pfaitenda mghati mwenu kulawa litsuwa lila lyamuihulike na kumanya uluso we Imulungu pfauli. ⁷ Tsamlangulitsighwa uluso we Imulungu na Epafura, mtenda sang'ano miyetu mnoghelighwa, msang'ana iyanoghile wa Kiristu kwaajili yetu, ⁸ naye tsakatulongela unoghelo wamwing'ighwe ne Ghumuhe we Imulungu.

⁹ Kwaajili ayo, kulawa hatuhulike mbuli tsenu, ng'atulekile bae kuwalombela. Twomlomba Imulungu yawatende mwemwe mmanye ghoya aghala ghayobama, ne inzewele yose ne ukumanya kwamwing'ighwe ne Ghumuhe Mwenzeluka.

¹⁰ Twolomba apfi ili mdahe kukala ka Imtwatsa pfayobama, mghendelele kutenda ighomnoghela yeye. Mweleke chila ghamatunda ghanoghile, mkule mne ukummanya Imulungu,¹¹ Imulungu yamwing'eni ngupfu kwa uwetso wake wose mkulu ili mdahe kudumila ghose bila kwipfa,¹² na kwa kudeng'elela mumlonge le mighede Aba iyawatendile mdahe kubokela uhala we iwahenzeluka mne undewa.¹³ Naye katukombola kulawa mne ingupfu ya chisi, katughala mne undewa we Imwanaghe iyomnoghela,¹⁴ kubitila yeye twokombolighwa, twoleghusighwa nzambi.

Kiristu na isang'ano yake

¹⁵ Kiristu yatumwonile keghala ghendo ne Imulungu ing'akoneka bae. Yeye tsakabaho ng'ana pfilumbe pfose pfilumbighwe.¹⁶ Kwaapfila kubitila yeye Imulungu kalumba ipfinu pfose, ipfili kulanga ne ipfili muisi, ipfikoneka ne ing'apfikoneka bae, iware uwetso, iwatawala, iwakulu na iware tsingupfu. Pfose tsapfilumbighwa kubitila yeye na kwaajili yake.¹⁷ Kiristu tsakabaho ng'ana ipfinu pfose pfilumbighwe, na mne ukwilunga na Kiristu ipfinu pfose pfekindisa.¹⁸ Yeye ka litwi lya lukuli, lukuli alwo iwo iwanu wose iwomtoghola Kiristu, yeye ka wa mwanduso. Yeye ka wa mwanduso kutsilhuka, ili yawe wa mwanduso mne ipfinu pfose.¹⁹ Mana Imulungu tsakanoghelighwa ukutimila kwake kwose kuwe mghati mwa Kiristu.²⁰ Kubitila mwanaghe, Imulungu tsakalamla pfose ipfilumbighwe pifimuyile, na kwa idamu yake ghwitike mne msalaba katenda tindiwalo na ipfinu pfose muisi na kulanga.

²¹ Aho mwanduso mwemwe namwe tsamkala kutali ne Imulungu, kuya tsamkala wanebe wake kwapfila tsamwipfikitsa ghehile na tsamtenda ghehile.²² Lekeni sambi, Imulungu kamtendani mwemwe muwe sale tsake kubitila lifwa lya lukuli lwe Imwanaghe, ili yamghaleni mwemwe hambele hake, ahu mwa wahenzeluka, mnogha, na mwahela ghamatotso.²³ Mwobamighwa kughendeleta ne ukwikindilisa mne ukutogħola, mleke kutogħola kuhighisighwa kulawa mne lolelo lila lyampatile hala hamuhulike Imbuli Inoghile. Nene Pauli nendighwa niwe mtumwa we Imbuli ayo Inoghile iipetighwe kwe iwanu wose mne iisi yose.

Isang'ano ya Pauli kwa iwanu wose iwomtoghola Kiristu

²⁴ Sambi nodeng'elela kwa aghala ghaniwadununzikilani, nolumemesa lukuli lwangu aghala ighahunguke mne magħayo għa Kiristu kwaajili ya lukuli lware, iuli iwanu wose iwomtoghola Kiristu.²⁵ Na nene nendighwa na Imulungu niwe mtumwa we iwanu iwomtoghola Kiristu. Ning'ighwa sang'ano ya kuwalongela imbuli yake pfinoghile ghendo,²⁶ imbuli ayo iyo ila iipfisighwe kwe iwanu wose kulawa għumwande, lekeni sambi ighubulighwa kwe iwanu wake.²⁷ Imulungu tsakanoghelighwa kuwatenda iwanu wake wamanyet utajiri na ukulu we imbuli ino mghati mwe isi tsose, nayo iyo ino, Kiristu ka mghati mwenu, namwe mtsokuwa mne utunitso iulolelighwa.²⁸ Apfo twompeta Kiristu, kwa inzewele yose, twomkanya na kumlangulitsa imunu wowose ili tudahe kumghala chila imunu hambele he Imulungu ahu kakomala mna ukwilunga na Kiristu.²⁹ Kwa kupeta mbuli ayo nene noidununzikila ahu notumila ingupfu ng'ulu ya Kiristu iisang'ana mghati mwangu.

2 ¹ Nobama mpfimanyi pfanisang'ana ng'ani kwaajili yenu, na kwaajili ye iwanu wa Laodikiya na kwaajili ye iwanu wangi ing'awatingane bae na nene.² Notenda apfi ili wagħumighwe għumoyo na welunge mna unogħeli ili wamemesighwe ukumanya kweli, wadahe kumanya ghengo imbuli ye Imulungu, imbuli ayo iyo Kiristu imwenyegħo.³ Mna yeye upfisighwa utajiri wose we inzewele no ukumanya.

⁴ Nowalangelani apfi ili imunu wowose alekku kuwaghutsukilani kwa mbuli tse ughħutsu, hata ka tsakoneka tsinogħha ng'ani.⁵ Mana hata ka nene nakutali namwe,

ghumoyo ghwangu ghwa baho hamwe na mwemwe, na nodeng'elela kuwonani mwemwe pfamkwima mna ukumtoghola Kiristu.

Ughima mna kwilunga na Kiristu

⁶ Lelo ka pfamumtoghole Yesu Kiristu ka Imtwatsa, mghendelele kwilunga naye.

⁷ Mwike imitsitsi mghati mwake, na ughima wenu utsengeke mchanya mwake na mkindise inogholka ka pfamlangulitsighwe, namwe mlonge mighede.

⁸ Mwalangitse imunu aleke kuwatenda watumwa kwa ghamalanguliso gha hela, gha ughutsu ulyieka, ighahuwila mabokelo ghe iwanu ne ipfinyamkela iwotawala, na wala si aghala igholawa kwa Kiristu imwenyegho bae! ⁹ Kwaapfila mghati mwa Kiristu, mlukuli mwake kwokala ukutimila kwose kwe Imulungu, ¹⁰ namwe mwing'ighwa ughima iutimile kwa ukwilunga naye. Yeye ka mchanya mwa ipfinyamkela wose iwotawala na iwakulu wose.

¹¹ Mne ukwilunga na Kiristu mwemwe mwingila ngoma kwa kuutsula unu wa nzambi, lekeni si ukwingila ngoma ikuwendighwa ne iwanu, ila ikuwendighwa ne Kiristu imwenyegho. ¹² Kwaapfila hambatitsighwe, tsamtsikighwa hamwe na Kiristu, na mne ubatitso mwemwe pifpila mtsililhulighwa kwa kutsitogholia ngupfu tse Imulungu, iyamtsilihule Yesu kulawa mne lifwa. ¹³ Namwe tsamkala mfa kwaajili ya nzambi tsenu, na kwaapfila unu wenu wa nzambi tsang'auleghusighwe bae. Lekeni sambi Imulungu kawatenda mwemwe muwe wa ghima hamwe na Kiristu. Imulungu katuleghusila nzambi tsetu tsose, ¹⁴ hayamalitse kuileghusa hati ila iyandikighwe na ghamalaghitso gha kutuhigha twetwe, kaileghusa ghendo, kaiwamba mna msalaba. ¹⁵ Mna ghumsalaba aghwo Kiristu tsakawaboka ngupfu awo ipfinyamkela iwotawala ne iwakulu, kawaghela chinyala hambele he iwanu kwa kuwakwegha ka iwaghoghighwe mng'ondo kulangusa kawahuma.

¹⁶ Lelo mleke kutogholia imunu wowose yawekele malaghitso mne ichijo au choukunwa, au mne ichihungu au kwa ukulawa kwa ghumwetsi, au kwa Litsuwa lya Sabato. ¹⁷ Ipinu apfo pfa ichimbeho che ipfinu ipfikutsa, ukweli wenyegho iyo Kiristu. ¹⁸ Mleke kutogholia kuhighighwa ne imunu wowose iyebona kanogha kwa aghala ghaghonile ghaliheka na iyokomangitsa uenyepfale we ughutsu na kuwatamanila wamalaika, imunu ka ayo keghoda kwaajili ya pfinu pfayonile na kwaajili ya mbutsi tsake, ¹⁹ kaleka ukwikinda na Kiristu, iyali litwi lya lukuli, kubitila ye ye lukuli Iwose Iwekinda na kulungighwa hamwe kwa pfilungo na nyughe yake, na Iwokula ka Imulungu pfayobama.

Ukufo no kukala hamwe na Kiristu

²⁰ Mwemwe mfa hamwe na Kiristu na mkombolighwa kulawa mne ngupfu tsa ipfinyamkela iwatawala mne isi. Ebali lelo mwemwe mwokala ka mwa iwanu we isi ino? Ebali mwokinda malaghitso ka ghano, ²¹ "Mleke kukinda achi, mleke kulanza achi, mleke kughusa achila"? ²² Pfinu ppose apfo pfohinyika baho hapfitumika, agho malaghitso na ghamalanguliso ghe iwanu ghaliyecka. ²³ Kweli malaghitso agho ghakoneka gha inzewelete mne ukutamanila kwawetungile ivenyegho, na mne uenyepfale, na mne kulutawala lukuli kwa ukali, lekeni ghahela ingupfu ye ukughoma dong'o tse lukuli.

3 ¹ Lelo ka mtsilihuka hamwe na Kiristu, mwipfikitse aghala ighali kulanga, akula kwayali Kiristu, ako kakala hanu ho ukutawala ubali we ukujilo we Imulungu.

² Mwipfikitse ipfinu ipfili kulanga, si ipfinu ipfili hanoo muisi. ³ Mana mwemwe tsamfa, na ughima wenu ufsighwa hamwe na Kiristu mghati mwe Imulungu. ⁴ Ughima wenu iyo Kiristu, na hayatsolawila keli, na mwemwe pifpila mtsolawila hamwe naye mne utunitso.

Pfatukalile ghumwande na pfatukala sambi

⁵ Apfo mchikome chila chinu chihile ichili mghati mwenu, ughoni na kutenda ghehile, dong'o na ghamawatso ghehile, na batsu ilighala ne ukutamanila ichinyagho. ⁶ Kwaajili ya agho ghose Imulungu katsowonela maya iwanu wose iwolema kumuhulikitsa. ⁷ Ghumwande mwemwe iwenyegho tsamkala pfipfo, hamng'ali mlongotsighwa na ghehile agho. ⁸ Lekeni sambi mgħaleke agha ghose, maya, soyoka no ukutenda ghehile. Mleke ukumligha Imulungu, na malonga ghehile ghaleke kulawa mne imilomo yenu. ⁹ Mleke kwighutsukila, kwaapfila mwemwe ma muutsula unu ula wa ghumwande hamwe na ghamatendo ghake ghehile ghose, ¹⁰ muupfala unu wa sambi. Unu awu wogħendelela kutendighwa ghoya ne Imulungu iyaulumbile ili mwighale naye. ¹¹ Aho haduhu Mgiriki wala Myahudi, iyengile ngoma wala yang'engile ngoma, haduhu muhenza wala msenzi, mtumwa wala iyalekelighwe, ila Kiristu iyo ghose, naye kamumo mna ghose.

¹² Kwaapfila mwemwe mwa iwanu we Imulungu, ye ye kawanoghela na kawasaghulani muwe wanu wake, lelo mpfala għumoyo ġħwa uluso, unu unogħile, wenyepfale, uhole na ukududumila. ¹³ Mwidudumile na ukwilegħusila għamatotso, ka imunu kana imbuli ye kumsing'inikila imyagħe. Mwilegħusile għamatotso ka Imtwatsa pfayawalegħusilieni. ¹⁴ Kubita aghha ghose, mwongħetse unogħelo, kwaapfila unogħelo wakħha ghose mne umwe iutimile. ¹⁵ Tindiwalo lya Kiristu litawale mne imimoyo yenu. Kwaapfila Imulungu kawakema mwemwe kuwa ne tindiwalo aloy mne luklu lumwe. Kuya mlongegħe mighede. ¹⁶ Imbuli ya Kiristu imeme ghengo mghati mwenu. Mwilangulitse na mwikanye kwa inzewelete yose,aku mwakwimba tsabuli na nyila tsa kumtunja Imulungu, akuno mwomwimbila Imulungu kwa kulonga mighede mne imimoyo yenu. ¹⁷ Na choħose Chamtenda au Chamlonga, chobamighwa chitendighwe kwa tagħwa lya Imtwatsa Yesu, mumlonge l-mighede Aba Imulungu kubitila ye ye.

Ughima wa sambi mne tsikaye

¹⁸ Mwemwe wehe, muwahulikitse iwamale wenu, apfo pfipfo pfayobama Imtwatsa.

¹⁹ Namwe iwamale muwanogħelex wehe wenu, mleke kuwa wakali kuna wawo.

²⁰ Namwe iwana muwahulikitse aba tsenu na mai tsenu mna ghose, mana apfo pfipfo pfaimnogħelesa Imtwatsa.

²¹ Namwe welesi mleke kuwaghobola iwanenu, hela watlobeneka għumoyo.

²² Namwe iwatumwa muwahulikitse iwatwatsa wenu mna ghose, si hala hawomlolani halijekha kwaapfila mwobama wamwoneni mnogħha, ila mtende apfo kwa għumoyo ġħunġħile, kwa kumpfuka Imtwatsa Yesu. ²³ Choħose Chamtenda, mchitende kwa għumoyo ġħwose, ka mwomtendela Imtwatsa Yesu, wala si imunu bae. ²⁴ Mkumbuke, Imtwatsa katsomwing'ani ġħwex kħali kwaajjili ye iwanu wake. Kiristu iyo Imtwatsa ghengo yamumtumikila. ²⁵ Kwaapfila chila imunu iytendu għejha, katsobokela maliho għe ukiwiha kwake, mana Imulungu ng'obaghħula bae.

4 ¹ Namwe iwakulu muwatendele iwatħumwa wenu pfinogħile na ka pfayobama Imulungu, mkumbuke ka namwe pfipfila mna Imtwatsa Kulanga.

Malagħitso kwa Wakristu wose

² Mumlombe Imulungu bila ukwipfa, na hamlomba mwalangitse na mlонġe imighede kwe Imulungu. ³ Pfipfila mtulombele na twetwe ili Imulungu atufugħiħile libani kwaajjili ya mbuli yake ing'aimanyike, ili tudahe kulonga imbuli ya Kiristu.

Kwaajili ya imbuli ayo sambi namchifungo.⁴ Lelo mlombe ili nidahe kulonga ka pfanibamighwa, na imbuli ayo pfaitsokwikighwa mwatsimwatsi.

⁵ Muwe ne inzewele pfamkala ne iwanu ing'awomtoghola Kiristu, muitumile ghoya nyafwasi yamwinawo. ⁶ Ghamatsuwa ghose mlonge ghanoghile na ighowapfila iwanu, kuya mmanye kuwedika ghoya iwanu wose.

Ndamso tsa ukumalitsila

⁷ Nomtuma Tukiko kuna mwemwe, ye ye ndughu mnoghelighwa, msang'ana mwenyepfale na intumwa miyetu mne isang'ano ye lmtwatsa, katsomlongelani mbuli tsangu tsose. ⁸ Nomtuma kuna mwemwe ili awaghumeni ghumoyo kwa kuwalongela mbuli tsetu. ⁹ Kakutsa na Onesimo, ndughu yetu mnoghelighwa na mwenyepfale, ayo ka miyenu. Watsomwing'ani mbuli tse ipfinu pfose ipfitendeka hano. ¹⁰ Aristariko, yali mchifungo na nene, kowalambsani na Malik, binamu yake Balinaba pfipfila kowalambsani. Ma tsampata malaghitso ghake, ang'apfika mumbokele. ¹¹ Naye Yoshua iyokemighwa Yusti kowalambsani. Mghati mwe Wayahudi iwabokele inoghola, hawano waliyeka iwasang'anana na nene kwaajili ya undewa we Imulungu, nawo wonguma ghumoyo ghendo.

¹² Epaflura, mwenyekaye miyenu, mtumwa wa Yesu Kiristu komlamsani, ghamatsuwa ghose ye ye ng'akwipfa bae kumlombelani ili mkomale, mwime ghendo na mghendelele kutoghola na kutenda ighamnoghela Imulungu. ¹³ Nodaha kulapfa ukalangama ka kosang'anana ng'ani kwaajili ya mwemwe na kwaajili ye iwanu wa Laodikiya na awala iwalli Hiyerapol. ¹⁴ Luka, ayula mghanga wetu mnoghelighwa, na Dema womlamsani. ¹⁵ Muwalamse iwandughu iwalli Laodikiya, na Nimfa na iwanu iwomtoghola Kiristu iwetingana mne ing'anda yake. ¹⁶ Mng'amalitsa kuisoma ibaluwa ino, weng'eni na wayenu iwanu iwomtoghola Kiristu wa Laodikiya nawo waisome, ne ibaluwa yaniwaandikile awala wa Laodikiya wamwing'eni mwemwe, namwe muisome. ¹⁷ Na mumlonge Arikipo aitende ghoya isang'ano ila yeng'ighwe ne lmtwatsa. ¹⁸ Nene Pauli nakwandika għano kwa għumoko għwangu mwenyegħo kuwalamsani. Mkumbuke kuwa nene na mchifungo. Uluso we Imulungu ukale namwe.